

古文淵鑒卷第六十三目錄

宋

蔡沉

書經集傳序


陳淳

宗會樓記

真德秀

夏震特授武信軍節度使殿前都指揮使進封

皇加食邑食實封



皇伯師垂特授少保依前定江軍節度使致仕
天水郡開國公加食邑食實封令所司擇日
備禮冊命制

賜寶謨閣直學士朝議大夫知建康府兼江淮
制置使黃度乞檢會前奏許令致仕不允詔
賜太中大夫知樞密院事雷孝友正奉大夫參
知政事樓鑰太中大夫同知樞密院事章良
能端明殿學士通奉大夫簽書樞密院事宇
文紹節兼太子賓客辭免皇太子講授春秋

終篇各特與轉行一官不允詔

賜通議大夫知樞密院事兼參知政事雷孝友
宣奉大夫參知政事樓鑰通議大夫同知樞
密院事章良能端明殿學士正議大夫簽書
樞密院事宇文紹節兼太子賓客辭免皇太
子讀三朝寶訓終篇並特與轉行一官不允

詔

上殿奏劄

庚午六月十五日輪對奏劄二

直前奏劄

直前奏劄

召除禮侍上殿奏劄

大學衍義序

附錄別事

附錄別事

附錄別事

附錄別事

附錄別事

古文淵鑒卷第六十三

御選

內閣學士兼禮部侍郎教習庶吉士臣徐乾學等奉

旨編注

宋

蔡沉

字仲默少從朱熹游屏去舉子業一以聖賢為師隱居九峯熹晚欲著書傳未及為

遂以屬沉

書經集傳序

慶元己未冬先生文公令沉作書集傳明年先生歿

提心法二字為一篇領要足該典謨

又十年始克成編。總若干萬言。嗚呼。書豈易言哉。二
帝三王治天下之大經大法。皆載此書。而淺見薄識。
豈足以盡發蘊奧。且生於數千載之下。而欲講明於
數千載之前。亦已難矣。然二帝三王之治本於道。二
帝三王之道本於心。得其心。則道與治固可得而言
矣。何者。精一執中。堯舜禹相授之心法也。建中建極。
商湯周武相傳之心法也。曰德曰仁曰敬曰誠。言雖
殊。而理則一無非。所以明此心之妙也。至於言天則
嚴其心之所自出。言民則謹其心之所由施。禮樂教

化心之發也。典章文物。心之著也。家齊國治而天下
平。心之推也。心之德其盛矣乎。二帝三王存此心者
也。夏桀商受亡此心者也。太甲成王困而存此心者
也。存則治。亡則亂。治亂之分。顧其心之存不存如何
耳。後世人主有志於二帝三王之治。不可不求其道。
有志於二帝三王之道。不可不求其心。求心之要。舍
是書何以哉。沈自受讀以來。沉潛其義。參考衆說。融
會貫通。廼敢折衷。微辭奧旨。多述舊聞。二典禹謨先
生。蓋嘗是正手澤。尚新嗚呼。惜哉。集傳本先生所命。

論古宗法之重詳
贍典雅有裨禮教

故凡引用師說不復識別四代之書分爲六卷文以
時異治以道同聖人之心見於書猶化工之妙著於
物非精深不能識也是傳也於堯舜禹湯文武周公
之心雖未必能造其微於堯舜禹湯文武周公之書
因是訓詁亦可得其指意之大畧矣

陳淳

字安卿漳州龍溪人從朱熹游爲學益力
無書不讀無物不格日積月累義理貫通

以特奏恩授迪功郎
州安溪主簿未上卒

宗會樓記

古人宗法別子爲始祖繼別爲大宗繼禰爲小宗宗

臣熙曰宗會之
建復古禮於久
廢之餘即事徵
據經義意在興
起後人文情俯
仰生姿用筆謹
嚴有法

其爲始祖後者爲百世不遷之宗宗其爲高祖後者
爲五世則遷之宗蓋諸侯世適爲君由次而下不得
禰先君視正適皆稱別子或異姓之來自他邦與庶
姓之起於是邦者亦皆謂之別子其後世子孫爲卿
大夫則立此別子爲始祖而別子之世適常繼別子
之正統以主始祖之祭與族人爲宗謂之大宗雖五
世外皆爲服齊衰三月是謂百世不遷之宗其別子
之庶子又不得禰別子而自使其世適後之以主庶
子之祭與兄弟爲宗謂之小宗旁而例之爲類不一

其繼者爲親兄弟所宗。爲服期。繼祖者爲從兄弟所宗。爲服大功。繼曾祖者爲再從兄弟所宗。爲服小功。繼高祖者爲三從兄弟所宗。爲服緦。外高祖五世則無服。祖遷而宗易。是謂五世則遷之宗。大宗一與小宗四爲五。小宗五世外。雖已遷而復統於大宗。百世未嘗絕。爲宗子者。所以主祭。其體爲甚專。壓族人。其分爲甚尊。統率族人。其權爲甚重。而族人所以祇事宗子。其禮又甚嚴。冠娶必告。喪練必赴。歸器必獻。其上具牲必獻。其賢雖富貴。不以入其家。非所獻。不以

入其門居庶者不敢僭其斬爲支者不敢干其祭宗
子有疾而攝則必告而後祭若庶子爲大夫則以上
牲獻宗子爲薦於宗子之家或宗子居他邦則庶子
大夫稱宗子使執常事而所謂攝主又不言孝不備
厭旅嘏綏配歸胙凡拳拳於宗子若是其敬者皆以
重正體而一人情也何爲重正體而一人情大要上
以事祖禰而盡尊尊之義下以合族屬而篤親親之
恩爾是以人知宗派所自來本支昭穆不亂而宗廟
常嚴家與宗黨時相接長幼戚疎有紀而骨肉不離

古人禮族之盛。孝弟達於州閭者。由此其故也。今世
禮教廢已久矣。宗法不復存。士大夫習禮者。專於舉
業用。莫究宗法爲何如。禰已。祔則不復饗其祖。祭有
適。而諸子並立。廟父在已。析居異籍。親未盡已。如路
人或語及宗法。則皓首諸父。不肯陪禮於少年適姪
之側。而華髮庶姪。亦恥屈節於妙齡叔父之前。是亦
可歎也已。吾友郭君子從。乃於頽俗廢禮之中。卓爲
尊祖收族之舉。推原本姓。出於號叔之後。自太原陽
曲分徙。潁川華陰昌樂中山唐末華陰之族。有避地

游宦於南而本宗始蓋自潭來失其名位且非世家
不敢僭祖其次據大父廣萊府君諱近者實始基產
業爲繼嗣之適越考至已又皆居長於是於小宗法
與其弟某割先業潮陽汶溝田充蒸膏定爲世適主
祭之議併撫程夫子所取韋家宗會之說扁其樓曰
宗會以爲歲時會合宗人之所而書來請記以傳之
後代予發書爲之潸感因敘古人宗法曲折以詔其
宗人使知子從此舉實出古先聖王之遺典而非已
意撰爲苟合之私則凡會於茲樓者皆有以各盡其

尊尊親親之誠而本根枝葉之相爲依庇豈不休哉
抑子從所爲宗田之約適子不得出粥諸子不得均
分專修四代堵忌及時祭合族之費忌日一按禮書
不用浮屠其意義蓋甚嚴明正大惟後之子孫及宗
人其識之於是併爲之書俾刻示焉嘉定庚辰十月
望日清漳北溪陳某記

真德秀

字景元建之浦城人登進士第中博士

宏詞科官至叅知政事立朝不滿十年
奏疏無慮數十萬言皆切當世要務直聲震
朝廷自韓侂胄立僞學之名以錮善類德秀
晚出獨慨然以斯文自任講習而服行之黨
禁旣開而正學遂明於天下後世多其力也

卒贈銀青光大夫謚文忠學者稱西山先生

夏震特授武信軍節度使殿前都指揮使進

封加食邑食實封

理宗初立夏震引濟王並至舊班梓其首下拜

故錄其功

加實封

門下太微南宮上將拱端門之位張衡靈憲云太微為五帝之庭史記

云斗魁戴匡六星一曰上將又漢羽林北落衆星聯

書曰太微之十二星東箱西將

壘壁之光
壁南主天軍若星明則國安寧若星希而

動搖則朕仰觀乾象之交近飭師兵之衛惟予圻父

兵革出
周書酒誥若疇

圻父謂司馬也
捍我皇家其頒贊書以竦羣聽具官

閱整可視唐諸制

荆川唐順之曰
婉切多風

某性資樸重。風槩沈雄。早振迹於顏行。晚策勲於盟
府。執戈衛社。闕如貔虎之威。仗鉞奮忠。迅若鷹鷂之
擊。心惟享上。誼不辭難。遂亞中權。遂司留務。扈徼道
千廬之遠。肅穆無聲。領屯營萬騎之嚴。訓齊有紀。疇
其多績。錫以褒章。建圖道之戎麾。正巖除之使領。豈
云假寵。干以勸忠。於戲。若時將帥之臣。蓋無越六旌
之貴。維我祖宗之世。率以旌百戰之多。爾其思恩遇
之難。疇惜功名之易。老惟廉。可以飽士。惟公。可以服
人。往其哉。勿替朕訓。